

# OL DIFREN KAEN DISASTA

Pasifik rijen hemi stap fesem plante disasta olsem:



## SAEKLON

Saeklon i minim eni low presa eria wea i gat wan sistem blong ol klaod we oli tantan raon, win mo tanda we oli tantan raon i go insaed long hem wan bakegen. Yumi faenem hemia raon long Pasifik from ol solwota blong yumi i wom mo i mekem ea blong yumi i wetwet gud blong saeklon i develop. Ol saeklon oli pat blong netja mo oli save kosem bigfala damej. Strong blong saeklon i dipen long saes mo pawa blong hem, mo sam taem hemi save strong blong spolem nogud ol garen, bilding mo mekem solwota i kam bigwan.



### Saeklon sisen:

Lisen gud long ol weta ripot o fokus long taem blong saeklon sisen, from taem yu save wanem i hapen raon yu, i save helpem mo protektem famli mo bisnis blong yu

## KATEGRI BLONG SAEKLON



### Gel win blong 63 - 125 km/h

Damej i kasem sam kakae long garen mo ol tri.



### Distraktif win blong 125 - 164 km/h

Damej i kasem saen pos mo ol tri. Hevi damej long kakae long garen. Risk blong pawa i kat.



### Distraktif win tumas blong 164 - 224 km/h

Damej long ruf mo ol bilding. Pawa i save kat.



### Distraktif win tumas blong 225 - 279 km/h

Bigfala damej long ruf mo ol bilding. Ol tri mo propeti i flae. Pawa i kat evri ples.



### Distraktif win olgeta blong moa long 280 km/h

Bigfala denja tumas mo bigfala damej long evri ples.



## YOU SAVE SE...

**1 long 4 bisnis oli no save stanap bakegen afta wan bigfala disasta i straek.<sup>1</sup>**

*I gat wan wei we i save mekem sua se bisnis blong yu i open long taem blong disasta o nogud taem:*



**Krietem wan Bisnis Kontinuiti Plan (BKP) mo putum i go long aksen.**

Sapos yu nogat wan BKP yet o no sua long hem, daonlodem BKP templet mo krietem wan blong yu taem yu yusum kwik 12-step gaed we yu save komplitim nomo long 12 minit! Visitim [pipso.org.fj/stayopen](http://pipso.org.fj/stayopen)

**RIDIUSIM RISK, REDI  
OLTAEM, RISPON STRET  
MO RIKAVA KWIK LONG  
ENI DISASTA.**

**BLONG MOA INFO**

**MEKEM BISNIS BLONG YU I DISASTA-REDI**

**PIPSO.ORG.FJ/STAYOPEN**



## LANSLAED

Graon i foldaon o lanslaed hemi taem graon long saed blong hil i brok mo foldaon i kam daon. Hemia i save kosem ol bigfala ston mo ol stamba blong wud blong foldaon mo kavremap ol komuniti. Graon i save foldaon taem i gat etkwek, volkeno i faerap, graon i no strong, wota i lik mo irosen. Hemia i save mekem bigfala damej.



## SUNAMI

Ol sunami hemi ol bigfala wev we oli folfolem olgeta taem i gat etkwek, volkeno i faerap, graon i foldaon o bigfala ston i foldaon long skae. Hemia i save kosem nogud damej mo laef i lus. Woning blong wan sunami hemi taem yu filim graon i seksek kwik from etkwek, mo sapos yu stap klosap long solwota, bae yu luk i drae i go long we long soa. Taem yu luk olsem, yu mas go long hae graon farawe long solwota kwik taem mo folem ol ivakiuesen oda we lokol otoriti i givim.



## FLAD

Ol flad o bigfala wota i save tekem ples taem ol ples we i no stap gat wota long hem oltaem i fulap wetem wota. From lo Pasifik yumi stap ekspiensem plante tropikol saeklon, hevi ren i save mekem ol riva mo ol taon blong yumi blong oli flad. Hemia yumi mas pripea from. Ol flad i save spolem ol bisnis rekod, ol ikwipmen mo propeti.



## FAEA MO FAEA BLONG BILDING MO HAOS

Ol faea oli stat wetem ol aktiviti blong yumi o ol najorol iven olsem laetning straek. Hemi impoten blong save se faea i spred kwik, mo ol posen gas we i kamaot long hem i save kilim laef. Long teti sekens wan smol flem i save kam wan bigfala faea, mo long tu minit, wan faea i save kosem denja long laef. I nogat taem blong fulumap ol samting blong yu o iven blong mekem wan fon kol, i gat taem blong sevem yu wan nomo. Foldaon long fo leg mo muv low undanit long smok taem yu go from doa o windo. Yu nogat plante taem so yu mas muv hariap.



## BIGFALA SOLWOTA

Bigfala solwota o stom sej hemi flad blong solwota long kos we strong win i mekem. Hemi denja tumas long laef, propeti, ol rod mo bridj we oli stap klosap long soa. Hemi no semak lo sunami, o taedel wev, be i kam olsem wan bigfala taed we i muv hariap kam bitim soa, mo i save katem ol rod mo spolem propeti.



## ETKWEK

Ol etkwek oli hapen taem bigfala pawa i brek tru long graon mo ol rok oli brok from pawa ya. I gat plante denja i kamaot taem i gat etkwek mo oli save kosem bigfala damej long propeti blong yu mo laef i lus. Hemi impoten blong rimemba se sapos yu filim wan etkwek we i muvmuv bitim wan minit mo yu filim se yu no save stanap taem graon i seksek, YU MAS muv hariap i go long hae graon taem graon i stop seksek. Etkwek ya maet hemi wan woning se wan sunami i stap kam.



## VOLKENO I FAERAP

Volkeno i faerap taem presa blong ol gas insaed long molten rok we i stap andanit long sefes blong graon i kam strong tumas. Taem i gat ol irapsen ya bae i save gat etkwek, flas flad, lanslaed, asid ren, faea, asis blong volkeno mo iven sunami we i save kosem laef i lus, propeti i distroy, ikwipmen i damej, ol wota sistem i toti mo i stopem travel long ea mo land long ples klosap mo farawe. Folem ol ivakiuesen oda we ol otoriti i givim blong kipim yu sef from ol toti we i flae olbaot, ol hot gas, ol bosta long saed blong volkeno, ol sof mad mo lava flow.



## DRAE TAEM/DRAOT

Draot hemi taem i gat longfala drae weta mo i save kosem wota saplae blong go daon, kwaliti blong wota i go daon, spolem kakae long garen, risk blong faea i go antap, ol bridging stok i go daon mo gat nogud ifekt long ol akrikalja mo ol indastri we i dipen long hem. Blong katem daon impak blong draot, konsevem wota mo folem ol woning blong otoriti blong katem yus blong wota.

### Endnotes:

<sup>1</sup> Civil Defence Wellington Region Emergency Management Office. (2017). Retrieved February 24, 2017, from Wellington Region Emergency Management website, <http://www.getprepared.org.nz/>

© Pacific Community (SPC) 2017

All rights for commercial/for-profit reproduction or translation, in any form, reserved. SPC authorises the partial reproduction or translation of this material for scientific, educational or research purposes, provided that SPC and the source document are properly acknowledged. Permission to reproduce the document and/or translate in whole, in any form, whether for commercial/for profit or non-profit purposes, must be requested in writing. Original SPC artwork may not be altered or separately published without permission.

Tangk yu i go long ol fanding mo infomesen patna

Wan spesel tangk yu



BLONG MOA INFO

MEKEM BISNIS BLONG YU I DISASTA-REDI

PIPSO.ORG.FJ/STAYOPEN